



熱天的幸福

我讀國小的時，若拄著歇熱，攏會佻小弟轉去庄跤佻阿公、阿媽躑，一寡叔伯兄弟、姊妹嘛攏會轉來。規陣囡仔絞做伙，是鬧熱滾滾。七、八月仔，拄好是稻仔當欲收成。逐工透早，阮阿媽就愛去稻埕共炭粟仔的布篷掀開，用耙拂共粟仔一逝一逝耙予齊。拄開始是耙予尖尖，等日頭曝一站仔，就愛閣擲耙拂共尖尖的粟仔耙予平平平，予日頭繼續曝。就按呢，一下仔耙尖尖、一下仔耙平平，對日頭出來，曝到日頭落山，阿媽攏佇遐無閒這件代誌。

彼陣，阮這陣囡仔猶閣細漢，無法度共阿媽鬥相共，大人的穡頭閣濟，嘛無閒工來共阮看顧，所以，大人是無閒甲汗水涌涌滴，阮是要甲四界砣砣從。拈田嬰、掠蟬仔、撈魚仔、覷相揣……齣頭實在有夠濟，干焦食點心的時間才會瀟倚來。阿媽攏講我是「好鼻師」，佻位有通食，就會看著我。無法度，食點心對我來講是上重要的代誌。

我會記得阿媽上捷攢的點心是米篩目、仙草、菓薺佻冰甲透心涼的糖水。阿媽會共遮的點心囡佇米籬內底，用扁擔擔去田裡，通予作穡的人食。阿媽行佇頭前，我就綴佇伊的尻川後，順繼去食點心。我上愛食的點心是米篩目摻冰糖水。甞嗲嗲的米篩目食會著阿媽對我的疼惜佻慈愛；冰涼的糖水就親像阿媽對我的愛護，共熱天的刺疫趕甲離離離。我一碗食了閣一碗，阿媽是看甲喙笑目笑，點心敢若攏是刁工為我攢的。

讀國中了後，學校課業較重，逐工就愛讀冊佻準備考試，轉去庄跤歇熱，敢若是足久以前的代誌矣。自彼个時陣開始，阿媽對我的關心，不時就會對電話線彼片傳過來。伊毋但關心我的課業，閣吩咐我迢迢愛細膩、三頓愛食予飽。每一句的關懷，攏予我喉湏目箍紅，足向望家己有一對翼仔，會當隨時飛去阿媽的身軀邊，親像細漢的時，予阿媽攏牢牢，聽伊講古拍納涼。

阿媽的愛，是我熱天的幸福。

作者：曾菁怡

☆詞彙學習☆

【歇熱】hioh-juah/hioh-luàh：放暑假。

【稻埕】tiū-tiànn：晒穀場。用以曝晒稻穀的場地。

【耙拂】pê-put：又唸作 pê-kut。用來扒穀的工具。

【覷相揣】bih-sio-tshuē/bih-sio-tshē：捉迷藏。

【瀟】tshînn：本義指大水洶湧而來，引申作衝擠、撲上的意思。

【菓薺】ò-giô：愛玉子、愛玉。

【米籬】bí-luâ：用竹篾編成，用以盛裝米糧的竹器。

【甞嗲嗲】khiū-teh-teh：形容食物軟而有彈性，嚼勁很夠。

【刺疫】tshiah-iàh：各種不舒服、不愉快的感覺。

【喉湏】âu-tinn：哽咽。因悲傷而使氣息受阻說不出話來。

【拍納涼】pah-lâ-liàng：又唸作 pah-lâ-lîàng。閒扯、講風涼話。沒有內容的隨興閒談。